



SALA STAMPA DELLA SANTA SEDE
BOLLETTINO

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHL
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0416

Sabato 28.08.2004

**LETTERA DEL SANTO PADRE ALL'INVIATO SPECIALE ALLA CELEBRAZIONE DEL X
CONGRESSO EUCHARISTICO NAZIONALE IN ARGENTINA, (CORRIENTES, 2-5 SETTEMBRE
2004)**

LETTERA DEL SANTO PADRE ALL'INVIATO SPECIALE ALLA CELEBRAZIONE DEL X CONGRESSO
EUCHARISTICO NAZIONALE IN ARGENTINA, (CORRIENTES, 2-5 SETTEMBRE 2004)

In data 3 luglio 2004, il Santo Padre Giovanni Paolo II ha nominato il Card. Julio Terrazas Sandoval, C.SS.R., Arcivescovo di Santa Cruz de la Sierra (Bolivia), Suo Inviato Speciale alla celebrazione del X Congresso Eucaristico Nazionale Argentino, che avrà luogo a Corrientes dal 2 al 5 settembre 2004.

La Missione che accompagna l'Em.mo Card. Julio Terrazas Sandoval è composta da:

- Rev.do Sac. Eduardo Pérez Del Lago, del clero di Buenos Aires, Sottosegretario della Conferenza Episcopale Argentina;
- Rev.do P. Ángel Gabriel Gayte, O.F.M., Superiore del Convento "Santo Domingo de Guzmán" nell'Arcidiocesi di Santa Fe.

Pubblichiamo di seguito la Lettera del Santo Padre all'Inviato Speciale:

Venerabili Fratri Nostro
Julio S.R.E. Cardinali Terrazas Sandoval, C.SS.R.
Archiepiscopo Sanctae Crucis de Sierra

Thesaurus Ecclesiae ponitur nimirum sanctissima Eucharistia, quam Iesus Rex caritatis in novissima cena instituere voluit tamquam memoriale salvificae passionis ac resurrectionis suae ut quoties hostiae commemoratio celebraretur, opus nostrae redemptionis exerceretur. Dominus Ipse porro vocavit omnes in se credentes ut Eius Corpore reficerentur in hoc Sacramento contento ita ut significaretur etiam Populi Dei unitas nec non efficeretur. Hoc revera est igitur mysterium magnum et admirabile, «quo in hoc tempore consociatur Ecclesia» (S. Aug., *Contra Faustum*, l. XII, cap. 20, in PL 42, 265). Ad doctrinam eucharisticam recte docendam ac cultum cum ipsa conexum efficaciter fovendum, Nosmet litteras encyclicas nuper evulgavimus *Ecclesia de Eucharistia* ac cuius instar continuationis *Annum de Eucharistia*, quod proximo Octobri mense incipiet, posthac

indiximus.

Qua de re laetanter accepimus Argentinas Ecclesias se comparare ad X Congressum Eucharisticum Nationalem celebrandum, qui in sententia: *Eucharistia nos convocat, reconciliat, participes facit ac mittit*, sane valebit. Atqui quando Venerabilis Frater Eduardus Vincentius Mirás, Archiepiscopus Rosariensis, nomine Conferentiae Episcopalis illius Nationis, cuius est sollers Praeses, enixe rogavit ut eminentem Praesulem illuc mitteremus ad Nostram personam gerendam, Nos vero censuimus postulationem istam equidem esse audiendam ac pari tempore in te, Venerabilis Frater Noster, cogitationes defiximus, qui ob prudentiam ac navitatem pro fidelibus tuis praestanter adhibitam peraptus Nobis es visus ad hoc munus frugifere explendum.

Hisce iisdem Litteris te ideo renuntiamus Missum Extraordinarium ac constituimus, qui diebus II-V mensis Septembris ad memorata sollemnia celebranda vicibus Nostris fungaris.

Percupimus quidem ut omnibus ad hunc Congressum conventuris paternam salutationem Nostram ostendas et eandem ex animo vere depromptam. Liturgicis exinde celebrationibus nomine Nostro praesidebis, adstantes fervide adhortans ut amorem ac cultum erga Sacramentum Altaris augendum omni tempore contendant. Ad hanc rationem eosdem commonebis ut fidenter suspiciant Dei Matrem, quae, iuxta crucem Filium suum offerens ad nostram salutem patranda, singulare eucharisticae vitae exemplar prorsus exstat.

Libenter admodum id tibi facultatis demum facimus, ut Nostra auctoritate omnibus adstantibus Apostolicam Benedictionem, supernae gratiae nuntiam ac propensae Nostrae voluntatis testem, peramanter dilargiaris.

Ex Arce Gandulfi, die XX mensis Iulii, anno MMIV, Pontificatus Nostri sexto ac vicesimo.

IOANNES PAULUS II

[01328-07.01] [Testo originale: Latino]
